



№52 (8152)  
26 желтоқсан  
БЕЙСЕНБІ,  
2024 ЖЫЛ



# Жылыой аудандық қоғамдық-саяси газеті

# Кен Жылой

Газет 1933 жылы 4 қазаннан шыға бастады



www.facebook.com/kenzhyloi  
ken\_jyloi\_gazeti

\* Құттықтау

## Жылан жылы, жарыққа!

### ҚҰРМЕТТІ АУДАН ТҮРҒЫНДАРЫ!

Сіздерді келер 2025 жылмен шын жүректен құттықтаймын! Жаңа жыл әрқайсымыз үшін жаңа мүмкіндіктер мен бастамалар әкелсін. Алдағы жылда да еліміз бен ауданымыз дамып, әрбір отбасына бақыт пен құт-береке орнасын деп тілеймін.

Өткен 2024 жыл біздің ауданымыз үшін ерекше әрі сындарлы болды. Сәуір айында болған су тасқыны өңіріміз үшін ауыр сынақ әкелді. Дегенмен, халықтың бірлігі мен төзімділігінің арқасында біз осы қиындықты жеңіп, зардап шеккен тұрғындарға көмек көрсетіп, инфрақұрылымды қалпына келтірдік. Бұл оқиға біздің өзара ынтымақтастығымыздың, қажырлы еңбегіміздің және қолдауымыздың нәтижесінде барлық қиындықтарды жеңуге болатынын көрсетті.

Сонымен қатар, өткен жылда көптеген әлеуметтік, мәдени және инфрақұрылымдық жобалар жүзеге асты. Бұл біздің ауданның өсіп-өркендеуіне оң ықпал етті. Алдағы 2025 жылы да осы бағытта жұмыстар жалғасын табады деген сенімдемін.

Жаңа жылда ауданның дамуы әрі қарай жалғасып, әрбір тұрғынның өмір сапасы жоғарылай берсін. Біз жаңа жетістіктерге, білім мен ғылым саласында ілгерілеуге, сондай-ақ, мәдениетіміз бен дәстүрімізді жаңғыртуға күш саламыз.

Жаңа жылда әрбір үйде тыныштық, амандық және қуаныш болсын! Бақытты әрі дені сау жан болыңыздар! Жаңа 2025 жыл тек жақсылық, қуаныш және жаңа жетістіктер әкелсін!

Жұмабек ҚАРАЖАНОВ,  
аудан әкімі



\* Жайлы мектеп

Жаңа жыл қарсаңында Құлсары қаласындағы «Береке» шағын ауданында бой көтерген 600 орындық жаңа мектептің ашылу салтанаты өтті. Шараға аудан әкімі Жұмабек Қаражанов, «Теңізшевройл» ЖШС Үкіметпен және жұртшылықпен байланыс бөлімінің бас менеджері Айбек Қрамбаев, аудан әкімінің орынбасарлары мен бөлім басшылары, ұстаздар, ата-аналар, оқушылар қатысты.

## ЖАҢА МЕКТЕП – ЖАҢА МҮМКІНДІКТЕР БАСТАУЫ

Алғашқы құттықтау сөзді аудан әкімі Ж. Байрақбайұлы сөйлеп, жаңа нысанның ашылуымен барша жұртшылықты құттықтады:

- Бұл мектеп облыстық Құрылыс басқармасының тапсырмасымен ТШО компаниясының «Игілік» бағдарламасы аясында салынды. Мектепте білім алуға барлық жағдай жасалған. Мұның бәрі өсіп келе жатқан ұрпақтың игілігі үшін істеліп жатыр. Жаңа мектеп балаларға білім алу жолында көптеген жаңа мүмкіндіктер береді деп сенеміз, - деді.

«Теңізшевройл» ЖШС Үкіметпен және жұртшылықпен байланыс бөлімінің бас менеджері Айбек Қрамбаев, ата-аналар атынан Талап Бахуовтар ақ тілектерін арнап, құттықтау сөз сөйледі. Ал жаңа ғимараттың символикалық кілтін «ABC Лимитед» ЖШС-ның директоры Берік Даярдиев №13 мектептің директоры Ұлмекен Бөлекбаеваға тапсырды. Ата-ана Қуантқали Сарбасов пен №13 мектептің қазақ тілі мен әдебиеті пәні мұғалімі Гулшара Жағыпарова жаңа нысанның лентасын киді. Өжелер шашу шашып, қатысушылар мектеп ішін аралады.

Заманауи үлгіде салынған үш қабатты ғимарат А, Б, В блоктарына бөлінген. Яғни, А-блогы үшін қабатты, 5-11 сы-

нып оқушыларына арналса, Б-блогында вестибюль, асхана, ақт және спорт залы орналасқан. В-блогы: екі қабатты, онда бастауыш сыныптар білім алады. Сондай-ақ медициналық кабинет, процедура бөлмесі және санитарлық торап бар.

Жаңа ғимаратта спорттық, оқушылар демалыс аймағы, оқу-тәжірибелік және шаруашылық аймағы бар. Шаруашылық аймағында коқыс жинауға арналған, үш жағынан 1,7 м биіктіктегі қоршаумен жабылған алаң қарастырылған. Аумақта сонымен қатар қазандық, трансформаторлық қосалқы станция және дизельді электр станциясы қойылған. Барлық қабаттарда санитарлық тораптар, жеке гигиена бөлмелері және тазалау құралдарын сақтайтын орындар қарастырылған. Мектептің ауласы өте кең, оқушылардың дене шынықтырумен шұғылдануына толық мүмкіндік жасалған.

Бір сөзбен айтқанда, мұнда ел ертінің жан-жақты білім алуына бар жағдай жасалған. Жаңа білім ордасына қаладағы «Теміржолшылар» ықшам ауданындағы №13 орта оқу орны қоныс аударып, ондағы ұстаздар мен оқушылар ІІІ тоқсанды жайлы мектептен оқитын болады.

П.ТӘЖІ



\* Баспасөз - 2025

## Кен Жылой

газетіне 2025 жылға жазылу жүріп жатыр!

Занды тұлға үшін қала бойынша:

6 айға - 5181,28 тт.,  
1 жылға - 10362,56 тт.

село округтері бойынша:

6 айға - 3645,20 тт.,  
1 жылға - 7290,40 тт.

Жеке тұлға үшін баламалы негізде:

6 айға - 1500 тт.,  
1 жылға - 3000 тт.

«Қазпошта» арқылы:

6 айға - 1750, 32 тт.,  
1 жылға - 3500, 64 тт.

### ҚҰРМЕТТІ ЖЫЛЫОЙ АУДАНЫНЫҢ ТҮРҒЫНДАРЫ МЕН ҚОНАҚТАРЫ!

«Теңізшевройл» ЖШС-нің көпұлтты ұжымы атынан сіздерді келе жатқан 2025 Жаңа жылмен шын жүректен құттықтаймыз!

Өтіп бара жатқан жыл Жылыой ауданының тұрғындары үшін онай болған жоқ. Көктемде болған су тасқыны үлкен зардап келтіріп, біраз уақытқа бәрімізді әбгерге салды. Дегенмен, бұл қиындықтар халықтың бірлігін көрсетті. «Теңізшевройл» өз тарапынан Жылыой ауданынан тұрғындарды эвакуациялап, Теңізде орналастырып, су тасқыны кезінде және оның салдарын жою үшін техника, ауыз су және жанармаймен қамтамасыз етті. Сонымен қатар, ТШО қызметкерлері арасынан шыққан еріктілер де су тасқынынан зардап шеккендерге гуманитарлық көмек жинап, оны таратуды ұйымдастырды.

Барлық қиындықтарға қарамастан, біз Жылыой ауданының тұрғындарымен бірге барлық сынақтардан ауызбіршілік пен табандылықтың арқасында сүрінбей өттік және алдағы 2025 жылға үлкен үмітпен қараймыз.

Өткен жылдың көптеген жағымды сәттерін де назардан тыс қалдырмау керек. Биыл Теңіз кеніші өзінің 45 жылдығын атап өтті. Біздің ардагер мұнайшыларымыздың ашқан кен орны ұзақ жылдар бойы Қазақстан Республикасына пайдасын тигізіп, ел тұрғындарының игілігі үшін қауіпсіз және үздіксіз жұмыс істеп келеді.

«Теңізшевройл» елдегі ең ірі салық төлеуші болып қана қоймай, әлеуметтік жауапкершілігі жоғары компания ретінде аймақ пен елдің дамуына өз үлесін қосуда. Жақында ғана Құлсары қаласының «Береке» ықшам ауданында 600 орындық жаңа мектеп ашылып, Жылыой ауданындағы Құрсай өзегінің жағалауы абаттандырылды. Сонымен қатар, үкіметтік емес ұйымдардың 15 әлеуметтік жобасы жүзеге асырылды, ал «Таңдау» жобасы аясында шамамен 50 кәсіпкер шағын және орта бизнесті дамыту үшін пайызсыз несие алды.

2025 жылы сіздерге көп қуанышты және бақытты сәттер тілейміз. Жаңа жыл әр отбасыға бақыт пен береке әкелсін, ал қиындықтар сіздер мен жақындарыңызды айналып өтсін! Сіздерге табыс, барлық бастамаларыңызда сәттілік және мықты денсаулық тілейміз! Жаңа жыл құтты болсын!

Кевин ЛАЙОН,  
«Теңізшевройл» ЖШС бас директоры

Көнілқош СҮЙЕСІНОВ,  
«Теңізшевройл» ЖШС бас директорының орынбасары

